

Frafra - Pεεntεεnreba Yenε Gοŋj - Soldiers Scriptures

EfεεzI 6:10-18

- 10 Ba'ahego poan, kperje ya ya mεhe ge sε' ze'ele soŋa soŋa ya bɔŋa
Na'ayenε poan la a paŋsekα n gane sela woo la poan.
- 11 Dekε ya Yenε zabere lɔgɔrɔ la yε'. Bala te ya wan ta'an sε' ze'ele ge te
Sagona la kan dekε a be'emtooma la nyane ya.
- 12 Se'ere n sœ la, to ka zabere mε la saaleba, ge to zabere mε la bonbe'εhe la
ba kpε'endoma, la paŋbe'εhe n sœ saazuo behera.
- 13 Bala, dekε ya Yenε zabere lɔgɔrɔ la yε'. Bala, te dabaherε be'o daare la han
paε ya na, ya wan ta'an sε' ze'ele bala mea. Ya me han zabe ta paε
ba'ahego, ya wan kelom sε' ze'ele ge te a kan nyane ya.
- 14 Dene poan, sε' ya ze'ele mε soŋa soŋa. Gee Yenε zabere lɔgɔrɔ la dela
dena wa. Bahε ya te yelemεŋεre bɔna la ya wo sεganε te ya dekε lo' ya
sεεhe kaŋkanε la. Bahε ya te tontɔɔtooma me ana wo kuto fuseko te ba ne
yε' pin' nyɔn'ɔn bɔba ma'an la.
- 15 Le yε'εha me, bahε ya te ya nini mɔ'ε la te ya mɔɔlε yelesoma la yεhera
sunma'ahom yele bo nεreba te la ana wo tagase'a te ya pire maahom
yeeha zabere.
- 16 Zen'en woo te ya bɔna bahε te ya sakerε dεna ya zaba tε'εga gu'ura
Sagona la yabega pεεma la te a tεera la.
- 17 Bahε ya te faanrε la te ya nyε la me ana wo kuto sapibere te ya dekε vuge,
ge te Yenε yelehom me dεna soa te Yenε Sea bɔ'ɔra la.
- 18 Po'ohere ya bɔ'ɔra Yenε te a soŋε ya yele ana wa woo poan. Zen'an woo te
ya bɔna, ya soha wo Yenε Sea la n yele ya se'em la. Dena mea zuo, da
gan' ya ginhera ge sε' ya ze'ele mε soŋa soŋa. Po'ohere ya daare woo
bɔ'ɔra Yenε nεreba woo.

Yooma 91:1-16

- 1 Hom se'em n bɔna Saazuo Daana wa poan wan nyε vo'ohom Gaŋε Zan'an
Yenε yilinyiliŋ ma'ahom.
- 2 Mam wan yeti, Na'ayenε n de mam soka zen'an, la mam paŋa zen'an. Mam
Yenε se'ere te mam nam.
- 3 Yelemεŋεre, a wan fan' hɔ bεnregɔ poan bahε, ge fan' hɔ too sekο n koore
poan bahε.

- 4 A wan pin' ho la a kɔnberɔ, te ho nyɛ soka zen'an a kelompagehe poan. A sakerɛ sera la wan dɛna ho zaba tɛ'ɛlega, la ho dangoone.
- 5 Ho kan zɔta dabeem sebo en sige yu'uŋɔ, bii pɛɛma se'a n tɛɛnre bolika,
- 6 bii too seko n sogɛ lika poan, bii seko n koore peelomen.
- 7 Tuhure wan lu ho zen'an, te tuha pia lu ho zuɔ, ge la kan lɛm hom na.
- 8 Ho nini en yeen wan nyɛta namehego seko n sigere toonfɛn'ɛhadoma la zuo.
- 9 Ho han eŋɛ Na'ayenɛ wa ho bɔŋa zen'an, Saazuo Daana wa han dɛna ho soka zen'an,
- 10 saganɔ ka boe wan paɛ hɔ. Nɔyalegerɛ ka boe wan lɛm ho yire na.
- 11 A wan bo a sojoreba nɔɔrɛ te ba mina ho yele. Te ba gu'ura hɔ ho sɔɔrɔ wo poan.
- 12 Ba wan zɛnke ho tara te ho na'are kan ŋme' kugure.
- 13 Ho wan nɛ gbegene la kanpɛn'a, Ho wan nɛ gbegenpaŋa la zaŋkaŋa zuo.
- 14 Na'ayenɛ yeti, N nɔŋɛ mam la zuo, n wan gura en, n wan zɛnke en, en mi' mam yu'urɛ la zuo.
- 15 A wan kaahe bo mam, te n lerege en. N wan bɔna la en daaŋɔ saŋa. N wan fan' en bahɛ, ge bo en na'ahego.
- 16 N tegehɛ en la vom woko, ge pa'alɛ en n faanrɛ la.

Yooma 18:1-50

- 1 Mam nɔŋɛ hom, Na'ayenɛ. Hom de mam paŋa.
- 2 Na'ayenɛ de mam taŋa la mam soka zen'an la mam faanra. Mam Yenɛ de mam taŋa, mam soka zen'an la mam tɛ'ɛla la mam faanrɛ paŋa la mam paŋa zen'an.
- 3 Mam ne yi' la Na'ayenɛ se'ere n nare pɛnka la, te de fan' mam n diŋdoma nu'uhɛn bahɛ.
- 4 Kum paŋa n kae mam mum, wo ko'om la, kum ko'mi'inhe n libere mam.
- 5 Ke'enteŋa mi'inhe n lote mam, te kum bɛntɔ yɔgɛ mam kae.
- 6 Mam sunsagaŋɔ poan, mam yi la Na'ayenɛ, mam yi la n Yenɛ la n sunsagaŋɔ poan. A wom mam konkore la a Yire la poan, bilam te mam kaahega lu a tobai.
- 7 Te teŋa wa kpilina ge damena, te saazuo ha miina ge damena, Na'ayenɛ sunsunyiim la zuo.
- 8 Zun'uhe n ze'ele a nyɔya poan yehe na, te bugum sebo n dite piiha ka kiŋira la, ze'ele a nɔɔrɛn yehe na, bugumsaana n tæs dita, n ze'ele a poan yɛhera na.
- 9 Te a daregɛ saazuo sigera na, te lika pin' sɛla woo n boe teŋa na wa zan'an.
- 10 A zom la kelompagehedoma zuo ɛnke, te ba nyɛ en saŋgbana zuo.
- 11 A dekɛ la lika tin' paka kae a mɛŋa, te saŋgbane sɔbelegɔ pin' ho.

- 12 A nεjain la nyangere la, saakuga la nyanka bo la sañbana luta na.
- 13 Na'ayenε ze'ele la saazuo ha dame bahε na, Ganε Zan'an Na'ayenε la n togore.
- 14 A tom la a pεema na, te a dige n diñdoma bahε, A tom la saa bugum na, te bo voen n diñdoma la bahε.
- 15 Na'ayenε tanhε mε, te ko'kantε wa zø ku'e, a vo'ohe la sabeo ma'an tuule teña wa, te sela woo n boe ka zuo mεlom, ge te gan'an beele.
- 16 A ze'ele saazuo ha ge nyøke mam. A foe mam yehe ko'kanra woo n libere mam la mε poan.
- 17 A fan' mam mε n diñdoma sεba n kpe'em gana mam la, n diñdoma sεba n yaε mam la nu'uhen bahε. Se'ere n sœ la, ba ba' kpe'em gana mam mε.
- 18 Mam zoa dabeha la, te ba bibige mam na, ge Na'ayenε n daa ze'ele mam pooren.
- 19 Enja n tare mam ze'ele pεenbøn'ɔrɔ poan yehe na, faanra mam bahε zen'an woo, la a nini n tege la mam la zuo.
- 20 Na'ayenε yo mam mε doohe la mam n de tontɔɔ se'em. A behε la n nu'uhe n ka tare døngero se'em la ge yo ma.
- 21 Mam dole Na'ayenε nɔɔre mε, n bire la poore bahε n Yenε wa.
- 22 Na'ayenε nɔze'elego la woo mam dole a mε, n ka dekε tobekperega zagahe a malema la.
- 23 Mam ka tare taale a nεjan, ge me gu'ura n mea ganlenɔ poan.
- 24 Bala te Na'ayenε nya yo mam, doohe la mam n de tontɔɔ la, a behε la mam n ze' fa'a se'em la ge yoɔra mam.
- 25 Ho delà birikina bo sεba n de birikindoma, døna tontɔɔdaana bo sεba n de tontɔɔdoma.
- 26 Ho delà fa'a bo sεba n de fa'a, ge me nigina la sεba n nigini.
- 27 Ho faanre sigehe mea doma mε, ge kɔ'ɔn mɔ'ε nini te ho lobε pa'alε mea doma.
- 28 Sera, hom Na'ayenε delà mam butolela, Na'ayenε n bahε te mam lika døna nεεhom.
- 29 Ho bo'ore mam paña te n nyanya n diñdoma, mam Yenε wa paña poan, te n wan ta'an zoe sela n bejere mam.
- 30 Yenε denε n boe, han dagana Na'ayenε wa? Ane me n boe, døna tanja, han dagana tomam Yenε wa?
- 32 Yenε se'ere n bobè mam la paña la, de yu'ε la sore yalenja bo mam.
- 33 A bahε te mam na'ma koreha mε wo walega na'ma la, ge dekε sogε zen'an te sela kan paε mam.
- 34 A kpemehe mam nu'uhe mε, te n ta'an zabera. Mam nu'uhe wa wan ta'an

daregε nyɔgom tanhɔ.

- 35 Hom dekε la faanrε tε'εlega vuge mam, ho sojorε wa n bahε te mam lebege nerekante.
- 36 Hom piihe sore bo mam te mam kena, te mam na'arε ka malom sεregε.
- 37 Te mam dige n dijdoma, ka malom lebe pooren, ge tara tara ta sagom ba ba'ahε.
- 38 Mam taε ba mε di wo bugum la, kε' ba te ba lu gan'an n na'mai kan malom le ihege.
- 39 Se'ere n sœ la, hom bobe mam la paŋa te n kεn' zabere la poan, ho bahε te mam dijdoma wa fenrε mε mam na'mai.
- 40 Ho ne bahε te mam dijdoma zɔ mε ka gelegera poore. Ho bo mam paŋa te mam sagom sεba n yaε mam la.
- 41 Mam dijdoma wa ne limihe la zen'an woo, ge se'em ka boe wan soŋε ba, te ba ne kaahε bo Na'ayenε, ge a me kan kelehe ba.
- 42 Te mam nε zan' ba wo n zan'are la teŋa la, te mam ne wɔnre ba, nε ba tabelε teŋa wo sin'iro n lu sore zuo te ba nε tabelε teŋa se'em la.
- 43 Ho fan' mam n nereba n zabe la mam se'em la poan bahε, ge dekε zin'ire, te mam dεna teŋhe wa naba. Te neresεba te mam ka tabelε mina, ton a bɔ'ɔra mam.
- 44 Te saama wona n yele, kεla kena n zen'an na, nana mam n yeti ba sela woo la.
- 45 Ba giinla kɔ'ɔhe mε, te ba ze'εta ba soka zen'enhe la, gbe'era yεha na.
- 46 Na'ayenε boe mε, mam taŋa la dela kan'somo. Mam Yenε wa yu'urε zεnkere la saazu, enŋa n de mam faanrε taŋa.
- 47 Na'ayenε dena n bo mam leregere paŋa, te n lεta n dijdoma, ge bo mam paŋa, te n sɔna nereba beha.
- 48 Hom n fan' mam n dijdoma nu'uhen bahε, ge bo mam nyajere n dijdoma woo poan, hom n fan' mam gbirigere, la paŋa woo poan bahε.
- 49 Yele ana wa zuo te mam wan zεnkε hom yu'urε nera woo nεŋan, ge yoon pεŋε ho yu'urε wa.
- 50 Na'ayenε n bo a naba wa faanrε kɔhego, ge dekε a nɔjerε kantε wa pa'alε se'em te a sɔ' la kaam wa. A dekε dε pa'alε la David la a yaahe kɔ'ɔn yε'εha.